

彭邑縣志卷之七

武備

古者蒐苗獮狩寓兵於農此固致治之良謨亦保邦之善策也我

朝以武功定鼎深仁厚澤累洽重熙中原不見干戈已二百餘年矣惟是兵可百年不用不可一日不備故內外旂綠各營隨時訓練三年軍政尤必

特命封疆大吏簡閱操防雖前此粵匪倡亂潢池四方騷動而兵威所向迭奏膚功卽彭邑蕞爾彈丸凡屬編氓靡不同舉義旗力籌團練卒至擒渠掃穴衽席皆安使非平日有勇知方安能操此勝算耶是武備之

彭澤縣志

卷之七

武備

三十三

修亦

盛時所必講者也志武備

駐防縣城千總一員兵二十一名營房八間柵欄一圍頭門一座乾隆三十二年改左哨把總兵三十名

縣治濱江負山水陸衝衢形勢險阻爲上游七省阨塞且界接江南楚省壤錯饒南九黃皖池六府七縣一衛良頑雜逖宜宿兵防禦用戒不虞雖太平

盛世無事言兵第未雨繆繆不可不先事預籌也

分防蕭家嶺右哨外委千總一員兵七名營房十二間望樓一座烟墩三座牌坊一座柵欄一圍乾隆三十二年改右哨外委把總

蕭家嶺在縣南九十里與鄱陽縣接壤崇山環繞中通
一徑昔因土賊流入設汛彈壓堵禦與防縣弁兵俱隸
九南協今屬九南鎮

南湖水師營所轄七汛於乾隆三十二年內將泥頭觜改
移老洲頭

分防小孤汛把總一員兵十二名營房七間烟墩三座
望樓一座牌坊一座柵欄一圍塘船一隻在縣治下游五
里南至鐵爐山汛十里北至峯火磯汛十里江東岸乾隆
三十二年改左哨外委把總兵八名

漏灌口汛兵四名營房三間烟墩三座望樓一座牌坊一
座柵欄一圍塘船一隻西南至尖山墩汛一里北至小孤

彭澤縣志

卷之七

武備

三十四

汛十里至縣城五里江南岸由鉄爐山移置

尖山墩汛兵四名營房三間烟墩三座望樓一座牌坊一
座柵欄一圍塘舡一隻西至時家渡汛十五里東北至鉄
爐山汛十里至縣城十五里江南岸

金剛料汛兵四名營房三間烟墩三座望樓一座牌坊一
座柵欄一圍塘舡一隻東至陳君澹汛十五里至縣二十
里江北岸

陳君澹汛兵四名營房三間烟墩三座望樓一座牌坊一
座柵欄一圍塘船一隻北至泥頭觜汛十五里西至金剛
料汛二十里縣城對江江北岸

陳君澹汛原設於宿松縣洲地沙包頭嗣坍入大江

遷設於此汛房基址係蘆洲出字號貢生丁春等捐地
闊三丈二尺後至營房滴水前至望樓有案

時家渡汛係大孤塘千總撥兵四名營房三間烟墩三座
望樓一座牌坊一座柵欄一圍塘船一隻東至尖山墩汛
十五里西至湖口縣黃茅潭汛十五里至縣城三十里江
南岸

泥頭嘴汛今移老洲頭

安慶水師營所轄六汛乾隆二十六年改歸南湖營

峯火磯汛兵四名營房三間烟墩三座望樓一座牌坊一
座柵欄一圍塘船一隻南至小孤汛十里北至馬當鎮
汛十五里至縣城十五里

彭澤縣志

卷之七

武備

三十五

馬當鎮汛兵四名營房三間烟墩三座望樓一座牌坊一
慶 欄一圍塘船一隻北至東流縣屬响水磯十里南至
峯火磯汛十五里至縣城三十里江東岸

茅湖洲汛兵四名營房三間烟墩三座望樓一座牌坊一
座柵欄一圍塘船一隻南至泥頭嘴汛十里北至魏家汛
汛十五里至縣城三十里江西岸

喻家汛汛兵四名營房三間烟墩三座望樓一座牌坊一
座柵欄一圍塘船一隻南至茅湖洲汛十五里北至沙灣
汛十里至縣城四十里江西岸

按魏家汛營冊作喻

沙灣汛兵四名營房三間烟墩三座望樓一座牌坊一座
柵欄一圍塘船一隻南至魏家汛十里北至望江華陽

鎮汛十里至縣城六十里江西岸

余家洲大灣汛乾隆三十二年改移何家澗

縣治水汛分隸南湖安慶二營會哨以小孤山爲界第
安慶水師營距小孤一百八十里兵目設有弛縱耳目
難週洵屬鞭長不及且以江南之兵防江西之汛縣營
不相統轄亦難收指臂之效是以邑令李松泰建議請
撤回皖兵另有南湖營撥兵防守尋以兵不敷撥議格
不行事雖未就識者躉之至各水汛向多草房葦壁僅
大江東南岸瓦房七所年久朽損乾隆二年邑令李松
泰以兵丁難於棲止簇新建造營房三十九間并柵欄
烟墩牌坊等項捐廉四百五十餘金至今賴之

彭澤縣志

卷之七

武備

三十六

按乾隆二十六年安慶營所轄六汛改歸南湖營撥
兵防守足徵李公遠識

民壯原額五十名

工食見
食貨志

雍正七年內裁二十名乾隆六
年續裁一十名乾隆十三年又裁五名實存設一十五名

內弓箭手八名鳥鎗手七名

軍器大纛旗一面 小旗四面 鳥鎗七桿 弓箭八副

腰刀八口

同治七年添設長江水營駐防金剛料汛把總一員砲船
一隻路口汛把總一員外委一員砲船二隻芙蓉墩汛守
備一員外委一員砲船二隻小孤汛把總一員外委一
員砲船二隻馬當汛千總一員外委一員砲船二隻北風

澹汛千總一員外委一員砲船二隻共計六汛砲船十一隻統歸湖口鎮標華陽營管轄其原設小孤汛之官弁汛兵及沿江各水汛奉文裁撤惟駐縣城之把總分防蕭家嶺之外委向係南湖營管轄今改歸九江城守陸營汛兵額數悉遵乾隆三十二年定制

團練紀畧

彭澤地隸九江界連楚皖徽饒每有寇氛禍倍他邑咸豐三年正月九江不守粵匪乘破竹之勢順流駕駛直搗金陵既定賊巢復由江皖上竄我彭遂爲常川蹂躪之區冬十月賊據縣城小孤汛脅從勒冊四年春設僞監軍泣縣事僞官旣立僞監差益騷擾廩生曹炯等謀殺僞監軍將

彭澤縣志

卷之七

團練

三十七

赴前鎮趙營請兵攻湖口約爲內應事洩乃止而王魏二賊居然以僞軍帥巡鄉幸二十都勇設計夜擒解營駢戮曹炯等義之爰赴蘇官渡受李觀察元度軍約立建安營於城山廟請吳太史嘉賓爲之督賊惡之計由七里洪大嶺兩路分襲其營謀得實九月二十三夜會援設伏以待平明賊入洪將薄壘四山伏起砲震箭飛賊駭奔猝不得出墮洪落澗死者無算東路聞洪口敗又慮二十都援至皆反奔追至童家頸斃其酋卒百餘人未幾吳太史合兩都勇再破縣城建安營名大噪六九十二等都人士謀起義兵應之會撫瑞告警蘇官渡營撤城山勢孤營亦撤團務遂中隳天奪逆魄楊韋相攻四僞王相繼亡賊益無

有僞五十一指揮徐賊者以三百人擾九都之橋亭九都
勇夜襲之盡殲其眾而各鄉之殺賊者紛紛矣陳東璧李
寵之等率子弟兵殛七十二指揮楊賊二百餘人於法通
寺彭姓糾本族丁壯活埋僞傳臚朱賊百餘人於上下彭
二都紳士計燒僞十七指揮賴賊黨數十餘人於南隴豪
字團民勇剿僞翼殿尙書石賊格天豫段賊百餘人於古
樓村周維新汪士模朱鄴華督任字團民勇要擊僞總制
陳賊數人活座於感子橋張移孝節次要殺僞典藥典木
典硝等賊於銅坑而團練復振七年官軍復上游諸郡賊
敗竄收燼亡畢聚於我邑約三萬人增生凌註經率六都
勇戰於澌村灘不利身死賊又以萬餘人犯十二都增生

何汝中等起本都鄉兵合六九都勇禦賊於白壠岡邱家
壠連戰敗績文童何普和等歿於陣賊遂深入幸李中丞
續賓太平關大捷賊乃棄去凡此皆克復以前事也縣城
旣復代理縣張開誠慮城孤無兵募五百人以武舉何銳
監生黃震龍統之名鎮澤軍越七月而撤彭宮保玉麟以
我邑爲江皖門戶策善後事札委進士凌鶴鳴歐陽燾舉
人劉法中廩生陳炳南督闔邑團總以舉人彭振瀾教職
劉交瀾暨各都坊紳耆等分司其事立七局一二坊爲固
安局一二三五都爲保安局六九都十二都爲靖安局八
都十三都十五都爲定安局七都三十都爲永安局二十
都爲乂安局二十五都爲建安局四都三十三都各立一

團爲外援以局轄都都有總以都統寨寨有長器械必精
旌幟必別偵探必豫巡邏必嚴隊伍必齊碉堡必設奮勇
必賞阻撓必懲而靖又兩局當東流鄱建之交較各團尤
爲出力八年五月石門鐵炉港股賊犯歐陽嶺彭振達狃
於屢勝踈防戰死旋以本局援至賊稍却越日劉鎮馬兵
並建定永局勇齊出青山橋箭殪賊渠賊憤甚誓破二十
都團而丁家坎歐陽嶺趙家山紅旂界大廟袁家嶺蕭家
嶺七卡守禦無暇日矣七月初總戎成大吉選李萬劉張
諸營勁旅馳出十二都山石嶺壁成而賊未覺敗之於官
營閉帝廟翼日移駐二十都之馬家堰又敗賊於周村坂
斬級皆以百計乘勝回旆莫之測也無何三河失利成總

拔營去賊又張劉太守騰鶴領軍鏖賊於雲峯嶺時黃
軍門翼升由香口帶砲船入太泊湖歐陽燾督保局勇守
大埠頭急詣之會哨於烏沙橋炳南亦帶固局勇馳赴黃
荆橋督朱詠香凌書雲放哨下隅坂遇賊邏騎殺十餘人
奪劈山礮一而返當是時寶軍羅近秋劉光明朱祖貴紮
四都之牯牛嶺後劉太守死期之七日而營拔向非有團
練大局烏可問耶先是普總戎承堯寶勇駐青山橋十年
進紫黃柏埠冬月一日東流失守寶營因餉不繼回彭澤
賊尾其後充官軍入卡卡遂破初十日賊入城遂括普鎮
焚餘之資而遁十一日楊軍門岳斌率水勇登陴身先士
卒賊不敢再至時曹炯在彭宮保營勦辦請於宮保撥船

借餉親帶來彭促邑宰急聚勇爲守禦計以汪續斌統之支持兩月餘臘初賊犯二十五都歐陽靜在縣聞警星夜歸調鄉團進勦賊已壓境遂率數十人戰於谷子山斬騎賊一方乘勝遂北時雪霽馬陷泥濘不得出遂被殺餘勇皆從死鮑軍門超奉檄勦賊臘底至鄱陽故棄人馬予賊以驕敵且日召俳優婆娑侑酒賊易之不爲備突開壁縱擊尸賊十餘里檀溪水爲之不流旋由鷄公凸追至郭家橋飛渡梅嶺復大敗於陳家衙時辛酉元夕也賊退數月復出池陽陳炳章懲前失急率豪團禦諸卡連日鷗勦頗爲得手五月朔劇賊數萬撲袁家嶺炳章分隣團爲左右翼自領前鋒居中四戰皆捷殺驍賊百餘追奔二十里雖

深入捐軀而賊亦遁蓋屢喪魁酋氣餒故也自是團防無事者二年同治癸亥僞堵王復至思奪湖邑石山先掠旁邑三月初擾九都灰嶺計國和率勇守禦復竄十二都團總饒廷銜督勇禦於郭家橋殺賊數十獲賊魁吳定邦明日賊悉眾來犯銜兄饒旭突陣死二十都豪團禦賊不利隊長傅正曜李以忠皆被害各鄉團潰賊遂紛竄知縣趙宗耀甫抵任聞警急募勇爲守城計以二坊團督袁發魁統其眾晝夜巡防賊屢窺伺聞有備不敢犯四月賊擾計家橋發魁率勇往勦卒以眾寡不敵歿於陣九都團總朱詠香亦陷陣死其時兵餉兩不濟幸沈撫軍葆楨多給軍裝藥鉛固守有資而城遂獲全七月官軍復鄱建賊敗遁

吾邑乃無事自甲寅迄癸亥前後十年我邑鄉團大小數十戰卒能轉危爲安保衛桑梓皆團練之效也